



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

1. Dies Octobris. Quid Angeli de his, quæ scienda sunt, nesciunt, qui scientem omnia, sciunt? Gregorius, I. 2. Moral.

Nutzungsbedingungen

[urn:nbn:de:hbz:466:1-55659](#)

Octob.

Tessera.

777

hoc momento accipis, ex infinito amore Dei procedenti? Sic ergo statue secuturi mensis tempore, uti, ut totum illius spatium, sit tibi ad meritorum cumulum. Solve citò, sine procrastinatione, quæ Deo debes, nomina. Quia:

Sicut non solvis, te magno crimine volvis.

I. DIES OCTOBRIS.

Quid Angeli de his, quæ scienda sunt, ne-
sciunt, qui scientem omnia, sciunt?
Gregorius l. 2. Moral.

Angelus I.
Custos.

Duxo hujus mensis principium, à quo Deus cœpit creandi principium, ab Angelō. Erit enim hic mensis tibi ad salutem auspicatissimus, si sub Angeli tui Tutelaris exigas auspiciis. Quamprimum Deus Angelos procreavit, simul quibusdam ex iis revelavit fore, ut certo tempore, certi homines illorum tutela essent in terris committendi. Nec enim poterant hoc nescire, qui scientem omnia sciebant. O quantum quilibet Angelus inter cœlestes illas, quibus circumfluebant, delicias, anhelabat ad illud sæculum, & illius sæculi annum, & illius anni mensem, & illius mensis diem, quo erat ille nascitus, cuius ipse curam erat suscepturus! Tandem post multa sæculorum volumina, adest sæculum illis optatissimum, nobis fortunatissimum, quo iili nostrorum curam cœperunt gerere, nos sub illorum tutela cœpimus vivere. Jam elucescebat dies nobis natalis, qui illis semper fuerat

Ccc 5

in

in votis. Et ecce, eodem momento, quo nos egressi sumus de matris utero, ipsi descenderunt de celo Empyreo. Vix ergo fueras natus, & ecce adest ibi Angelus ad latus. Visâ jam tam nobili Animâ, gratulabatur de impositâ à Deo sibi provinciâ. Osculatur, dissuavit, amplexatur in corpore infanti animam. Orditur mox Tutelaris praesidio officium, promittit omne obsequium.

II. Hic ergo dictum puta illud Davidici metu-

(a) *Angelis suis Deus mandavit de te, ut custodiant
in omnibus viis suis.* Angelis suis tam praestantibus spiritibus, aulæ suæ ministris, Majestatis suæ ephesis, familiæ suæ & economis, militiæ suæ antesignanis, mandavit, non tantum, quod amici est, commendavit, sed quod Domini, mandavit, *de te.* Mandavit tam nobili Genio, de te tam humili vermiculo, *ut custodias te.* Quidquid habet in intellectu perspicacitatis, in voluntante bonitatis, in viribus roboris, hoc totum impendit, ut te custodiat. Itaque, si quis unquam fuerit bonus, ad bonum motus in voluntate; Si quæ rara illustratio in Intellectu; si quæ Divina inspiratio in mente; si ardor cœlestis in corde; si verecundia in fronte; si quies in conscientia; si exultatio in spiritu; agnosce, esse beneficium cœlestis illius Spiritus. Verbo complectar omnia: si dixerim, Angeli tui beneficio te effugere omnia corporis, & Animæ mala, consequi omnia utriusque bona. Ille tibi semper, & ubique individuus est socius, vitæ tuæ totius testis, ipse oculatus singulorum factorum speculator.

III. Itaque, ut illum prosequaris officiis, qui te

(a) Psal. 90. 11.

sibi tot obligavit beneficis, unum, alterumque officii genus luggero. In primis ipsum diem tibi natalem illius amori, & obsequio totum consecra. In promptu est causa; qui illa est ipsissima dies, qua propter te, & propter tuam salutem, Angelus descendit de cœlo, ut tibi h̄ic adfisteret in terris: illa die te suscepit in tuum clientem, cum promisso numquam te deserendi, nisi assequereris tuam salutem. Quid igitur ages illa die, ut post Angeli tot beneficia, sis gratus tuo benefactori? Primum, pervigilio illius diei, jejunio, aut alia corporis maceratione, testare, quod benè sit corpori, illius deberi custodiæ. Corpus ergò hactenus præservatum, in honorem Angeli præservantis, aliquid patiatur. Qui verò præter corpus, & animum servavit: ipso die expiatum sacra exomologesi, & Divino epulo pastum, illi offer. De Herode, monstro illo hominis, scribit Evangelista: (a) *Herodes natalis sui cœnam fecit Principibus, & tribunis, & primis Galileæ. Cœnam tam opiparam struxit illud portentum impietatis, die illo quo fuerat natus, cui melius fuisset, si nunquam natus fuisset in mundo. Cur tu Angelum tuum non invites ad cœnam illam magnam, non quidem, ut ea pascatur, sed ut te videat paſcentem? O quanto perfunderis gaudio, dum tibi persuadebis Angelum tuum adfistere huic divino convivio? Præsertim cùm ille, quo paſceris, & qui de cœlo descendit Panis, sit Panis Angelorum: verius enim dixeris de illo cœlesti Pane, quam de corporali, Poëta:*

Quando dæſt panis, tunc eſt cibus omnis inanis.

2. DIES

(a) Mar. 6.21.